

თელავის მუნიციპალიტეტის საკრებულოს საფინანსო-საბიუჯეტო კომისიისა

და

სოციალური, კულტურის, განათლების და ახალგაზრდულ საქმეთა კომისიის

გაერთიანებული სხდომის

ოქმი N 1

ქ. თელავი

10.03.2020 წელი

თავმჯდომარეობდა: საფინანსო-საბიუჯეტო კომისიის თავმჯდომარე - დავით გოგოშვილი.

ესწრებოდნენ კომისიის წევრები: ტიტე დარეჯანიშვილი; ლევან მრელაშვილი; ალექსანდრე შათირიშვილი; ნანა ხვისტანი; აბრამ მახარიაშვილი; ზურაბ ნაცარაშვილი; ზურაბი ლილუაშვილი; გიგა მამუკელაშვილი; ლევან ლილუაშვილი; გიორგი ქიზიყელაშვილი; ბაადურ რევაზიშვილი; ნიკოლოზ მაისურაძე.

სხდომას აგრეთვე ესწრებოდნენ საკრებულოს წევრები: ფრაქცია „ქართული ოცნება - მწვანეები“-ს თავმჯდომარე - გიორგი ჩაბრაშვილი; სივრცით-ტერიტორიული დაგეგმარების, ინფრასტრუქტურისა და ბუნებრივი რესურსების კომისიის თავმჯდომარე - დავით ღაღანიძე. საკრებულოს აპარატის უფროსი - ტარიელ გალახვარიძე; საკრებულოს საფინანსო-საბიუჯეტო კომისიაში მოწვეული სპეციალისტი - ლია ფარსადანიშვილი; საკრებულოს საზოგადოებასთან ურთიერთობისა და პიარის სპეციალისტი - ნიკოლოზ ესიტაშვილი; აპარატის მოქალაქეთა მომსახურებისა და საქმისწარმოების განყოფილების უფროსი - ნინო ტაბიძე; საორგანიზაციო განყოფილების უმცროსი სპეციალისტი - ნინო ასანაშვილი; თელავის მუნიციპალიტეტის მერიის საფინანსო-საბიუჯეტო სამსახურის უფროსი - ნათია ვაყელიშვილი; მოქალაქე - არჩილ მჭედლიშვილი.

თავმჯდომარემ კომისიის სხდომაზე დამსწრე საზოგადოებას წარუდგინა დღის წესრიგი

## დღის წესრიგი:

1. ააიპ თელავის მუნიციპალიტეტის კულტურის ცენტრთან არსებული „დ.ბ.ს. ჯგუფი“-ს განცხადების განხილვის შესახებ.

მომხსენებელი - დ. გოგოშვილი

**მოისმინეს:** 1. ააიპ თელავის მუნიციპალიტეტის კულტურის ცენტრთან არსებული „დ.ბ.ს. ჯგუფი“-ს განცხადების განხილვის შესახებ.

**აზრი გამოთქვეს:** დ. გოგოშვილმა ზოგადად ისაუბრა განცხადების მიხედვით წარმოდგენილი პროექტის შესახებ. სადაც ჯგუფის წარმომადგენელი (მამუკა ხანჯალიაშვილი) ითხოვს, ხმის ჩამწერი სტუდიის მოსაწყობად საჭირო დაფინანსებას 100,0 ათ. ლარის ოდენობით.

მან კომისიის წევრებს სთხოვა, აზრი გამოეთქვათ წარმოდგენილ საკითხთან დაკავშირებით.

**ბაადურ რევაზიშვილი** - კალათბურთის სჭირდება მეტი ყურადღება, რადგან ერთ-ერთი პერსპექტიული დარგია. კარგი იქნება თუ მუნიციპალიტეტი მეტ ყურადღებას გამოიჩინოს და დააფინანსებს კალათბურთის გუნდს.

რაც შეეხება ხმის ჩამწერი სტუდიის მოწყობის დაფინანსებას, იდეა მისაღებია, მაგრამ ამ ეტაპისთვის მხარს არ დაუჭერს.

**ზურაბ ნაცარაშვილი** - უფრო მნიშვნელოვანი ყოფითი პრობლემებია მოსაგვარებელი, მაგალითად აღნიშნული თანხა ეყოფა ჭაბურღილის მოწყობას და სოფ. რუისპირში წყლის პრობლემა გადაიჭრება.

**ა. შათირიშვილი, ლ. მრელაშვილი, გ. მამუკელაშვილი** - იდეა მისაღებია, მაგრამ ამ ეტაპისთვის ხმის ჩამწერი სტუდიის მოწყობის 100,0 ათ. ლარით დაფინანსება მიზანშეწონილი არ იქნება.

კომისიის წევრებმა იმსჯელეს წარმოდგენილ პროექტთან დაკავშირებით. მათ ერთხმად არ დაუჭირეს მხარი ხმის ჩამწერი სტუდიის მოწყობის დაფინანსებას.

**გადაწყვიტეს:** კომისიის წევრებს, იდეის მოწონების მიუხედავად, მიზანშეწონილად არ მიაჩნიათ წარმოდგენილი პროექტის ამ ეტაპზე დაფინანსება. აღნიშნულთან დაკავშირებით ეცნობოს განმცხადებელს.

საფინანსო-საბიუჯეტო  
კომისიის თავმჯდომარე



დ. გოგოშვილი